



camiño
escena
norte

camín
escena
norte

camino
escena
norte

ipar
eszena
bidea

Teatro que rende homenaxe ao cine mudo e unha reflexión sobre "a España cañí" son as propostas de Camiño Escena Norte para esta fin de semana

A compañía rioxana El Perro Azul (A Rioxa) presentará *Globe Story* en Negreira o venres 17, mentres que as asturianas La Roca Producciones e Acar Teatro del Mundo levarán a súa *Zozobra* a Outes o domingo 19

A compañía coruñesa Pérez&Fernández remata este venres o seu periplo coa última función de *Nanay de la china* en Autol, na Rioxa

16 de outubro de 2025.- A sétima edición do proxecto de intercambio cultural a través das artes escénicas Camiño Escena Norte afronta a súa penúltima fin de semana de programación en Galicia. As localidades de Negreira e Outes acollerán tanto o venres 17 coma o domingo 19, respectivamente, dúas novas funcións do Itinerario Constelacións, a programación de teatro, danza e circo que compañías de Asturias, Cantabria, Euskadi, Navarra, A Rioxa e Galicia ofrecen nos seis territorios participantes no proxecto, que conta co apoio da Xunta de Galicia a través da Axencia Galega das Industrias Culturais (Agadic).

A compañía rioxana **El perro azul** regresa a Galicia para presentar en Negreira ***Globe Story***, peza que, a través da linguaxe do cinema mudo, emprega a súa comicidade e ritmo trepidante para contar unha historia de amor. A función, apta para todos os públicos e sen texto, que se acompañará de música de piano en directo, terá lugar este venres 17 ás 20.30h no Auditorio Municipal Afonso Eanes de Cotón.

Dous días despois, o domingo 19, as asturianas **La Roca Producciones e Acar Teatro del Mundo** visitarán os escenarios galegos por última vez nesta edición de Camiño Escena Norte para presentar a súa coprodución ***Zozobra***, "unha labazada de teatro que axita rúas e consciencias. Un agudísimo xute humorístico e reflexivo da *España cañí*". A creación para público adolescente e adulto poderase ver a partir das 20.00 horas no auditorio da Casa da Cultura de Outes.

Quen tamén remata esta fin de semana o seu periplo por Asturias, Cantabria, Euskadi, Navarra e A Rioxa son as compañías galegas. Concretamente, a coruñesa **Pérez & Fernández** interpretará a última función de ***Nanay de la China*** na localidade rioxana de Autol. Ao rematar a sesión, dirixida a público familiar, Victoria Pérez e Manu Fernández participarán nun encontro coas e cos asistentes.

PROMOVE / PROMUEVE / SUSTATZAILEAK:



www.escenanorte.com





camiño
escena
norte

camín
escena
norte

camino
escena
norte

ipar
eszena
bidea

CAMIÑO ESCENA NORTE

Camiño Escena Norte nace no 2019 co obxectivo de **promover o intercambio cultural a través das artes escénicas**, tomando como fío condutor os roteiros históricos do Camiño de Santiago do norte da Península Ibérica.

CEN é unha iniciativa promovida polas asociacións profesionais de produtoras de artes escénicas ESCENA GALEGA (Galicia), ESCENASTURIAS (Asturias), ACEPAE (Cantabria), ESKENA (Euskadi), ESNA (Navarra) e AESCENA (A Rioxa). Todas elas, unidas, conforman a supraentidade Camiño Escena Norte Agrupación de Interese Económico, creada especificamente para o desenvolvemento, xestión e produción do proxecto.

Na súa sétima edición, Camiño Escena Norte conta no seu programa de exhibición, nomeado Itinerario Constelacións, con 18 espectáculos de teatro, danza e artes do movemento e circo que se representan en 60 sedes. Neste 2025, CEN conta co apoio económico de gobernos e institucións das seis comunidades implicadas: Xunta de Galicia, a través da Axencia Galega das Industrias Culturais (Agadic); Goberno do Principado de Asturias; Goberno de Cantabria; Goberno Vasco; Deputación Foral de Araba, Deputación Foral de Bizkaia; Deputación Foral de Gipuzkoa; Goberno de Navarra, Gobierno de La Rioja e Ministerio de Cultura. Colabora tamén a Deputación Provincial de Lugo e Vegalsa-Eroski mantense como patrocinador oficial; nun ano no que se incorpora Deleite. Ademais, CEN conta nesta edición coa colaboración especial da Asociación Te Veo de Artes Escénicas para la Infancia y la Juventud.

AXENDA 17 A 9 DE OUTUBRO | CAMIÑO ESCENA NORTE 2025

17.10, 20.30h | Negreira. Auditorio Municipal Afonso Eanes de Cotón

Globe Story, de El perro azul (A Rioxa)

Teatro. Todos os públicos. Venda de entradas: www.woutick.es (3€)

Teaser: <https://youtu.be/QYvw885l1ig>

19.10, ás 20.00h | Outes. Auditorio Casa da Cultura

Zozobra, de La Roca Producciones – Acar Teatro del Mundo (Asturias)

Teatro. Público adulto e adolescente. Venda de entradas: www.bandoticket.com (5€)

Teaser: <https://youtu.be/8JfAC2Vhcg8>

Kit de prensa CEN Galicia

Fotos, vídeos, spot, cartel e catálogo <https://cutt.ly/CEN2025Galicia>

Contacto de prensa CEN Galicia

Lucía Pita. 675 404 321 lucia.pita@theofficeco.es

PROMOVE / PROMUEVE / SUSTATZAILEAK:



www.escenanorte.com

